



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CXXXVII. Stiftung des St. Annen-Frauenstifts bei dem heil. Geist-Kloster zu
Salzwedel, vom 24. März 1386.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CXXXVII. Stiftung des St. Annen-Frauenstifts bei dem heil. Geist-Kloster zu Salzwedel,
vom 24. März 1386.

In nomine domini Amen. Anno natiuitatis eiusdem Millefimo Trecentesimo octuagesimo sexto, Indictione nona, mensis decembris die quarta decima, hora sexta uel quasi, Pontificatus sanctissimi in cristo patris et domini nostri domini vr bani diuina prouidencia pape sexti Anno nono, Coram honorabili viro domino Johanne de Elte, decano Ecclesie Sancti Andree verdenfis, officiali Curie verdenfis generali, In meique notarii publici et testium infra scriptorum prefencia personaliter constitutus Discretus vir dominus hinricus Pistoris, alias dictas de Dambeke, Beneficatus in Ecclesiis Bardewicensi et Sancti spiritus prope Soltwedel, quafdam litteras confirmacionis tribus pendentibus Sigillis oblonge figure Sigillatas produxit, non viciatas, non cancelatas, Sed omni prorsus vicio carentes, Et per me notarium infra scriptum legi fecit. Tenor de verbo ad verbum sequitur et est talis:

Johannes, dei et apostolice sedis gracia Episcopus verdenfis — — — Sane pro parte discreti viri domini hinrici pistoris, alias dicti de dambeke, Beneficiati in Ecclesiis Bardewicensi et Sancti spiritus prope Soltwedel, Et honeste femine Elizabeth, Relicte ludolphi Stoterogghen quondam burgenfis in luneborg, extitit nobis significatum, quod cum ipsi spe remuneracionis et thesauros sibi in celis thesaurizare sibi cupientes, Ipsi Elizabeth a Religiosis viris preposito et conuentu Canoniorum regularium Monasterii Sancti spiritus prope Soltwedel duas Curias cum edificijs in eis constructis Apud dictum Monasterium pro annuis redditibus quatuor marcarum denariorum luneburgensium in honore sancte Anne matris beate marie virginis comparauit pro commodo sex honestarum feminarum pauperum perpetuis temporibus in abstracta vita inibi degencium ac deo seruiencium, que dictam curiam preterquam ad Ecclesiam et cimiterium dicti monasterii exire Nec extranee persone ad eas nisi de dicti prepositi licencia et ex causa ardua et honesta intrare debebunt, Quodque dicti prepositus et Conuentus Ipsas feminas deifice regere, karitatiue tractare et eis fideliter et honeste preesse voluerint et debuerint secundum omnem tenorem testamenti Elizabeth Antedictae, prout de premiffis omnibus per litteram dictorum prepositi et Conuentus ipsorum Sigillis pendentibus sigillatam nobis est facta plena fides; Singula premiffa ipsis preposito et dominis, qui pro tempore fuerint, in animas suas committimus et per omnia fieri volumus et mandamus; Ad quarum quidem feminarum sustentacionem ipsa Elizabeth Redditus viginti quatuor marcarum denariorum luneburgensium Ac omnia et singula elenodia, Supellectilia et vtenfilia sua, cuiuscumque valoris sint magni uel minuti, dederit et legauerit; Item quod Antedictis preposito et Conuentui dederit ac legauerit quinque marcarum Redditus in hunc modum, quod pro quatuor marcis suam, Sui defuncti mariti ac progenitorum suorum memoriam Et pro vna marca festum beate Anne peragant annuatim; Item quod vnus marce redditus legauerit pro memoria sua, sui viri et progenitorum suorum in Ecclesia Sancti Johannis in luneborg peragenda, prout hec omnia et Singula in suo testamento condito et in publicam formam redacto, quod hic inferi et pro inserto haberi Ac secundum eius omnem tenorem seruari volumus, lucidius et distinctius continentur. Quodque dictus dominus hinricus ad prefatarum sex pauperum feminarum sustentacionem Eciam dimidium chorum Salis iacentem in dextera ghumpanne, cum itur in domum Ebbinghe, in Salina luneburgensi quolibet flumine tollendum, quem ab Alberto de molendino, Ciue in luneborg, emit iuxta tenorem littere consulum de luneborg desuper confecte, assignauit, de quo qui-

dem dimidio choro dicte femine in Elemofinis et memoriis circa tres marcas denariorum expendent, prout idem dominus hinricus in certis litteris pie ordinavit; Quodque eciam dederit eisdem feminis vnum pratium nominatum wynkelwifch iuxta villam Crichelendorpe, Soluens annuatim viginti solidos uel circa pro lumine lampadis omni nocte in ipsa domo conseruando; Necnon eciam legauerit feminis Antedictis omnia sua Suppellectilia vtenfilia et Clenodia cuiuscumque valoris. Supplicatum vero nobis extitit humiliter et deuote, vt predictis omnibus et singulis Auctoritatem nostram interponere et Confirmationis nostre munimem adicere dignaremur. Nos igitur — — — predictorum domini hinrici et Elizabeth ordinacionem, donacionem, legacionem, Curiarum ac domorum comparacionem, et si aliqua dictis feminis pietatis intuitu donari contingerit forfitan in futuro, Necnon sepelate Elizabeth testamentum cum omnibus suis clausulis In nomine domini Approbamus, Ratificamus, Confirmamus et Presentis littere testimonio roboramus; hortamur eciam cunctos cristifideles in domino et monemus, ut dictum pium opus et pauperes adiuuent, promoueant et foueant Auxilio et fauore. Committimus eciam sepedito domino hinrico, vt dictis feminis fideliter et studiose assit et prefit dispensando, Confouendo, curam earum gerendo ob spem et meritum retribucionis eterne. Recepimus quoque sepeditas pauperes ac earum bona in nostram et verdenfis sedis protectionem specialem. — — — Datum luneborg, Anno domini M^o. CCC^o. LXXXVI^{to}, Sabbato ante dominicam qua Cantatur Oculi mei, nostro sub Sigillo in omnium premifforum euidentis testimonium presentibus appenso. Et nos hinricus, decanus, et Capitulum Ecclesie verdenfis premiffis omnibus contentimus eciam appensione Sigillorum nostrorum presentes litteras roborantes.

Quibus perlectis prefatus dominus hinricus pistoris, alias dictus de dambeke, predicto domino decano Ecclesie sancti Andree verdenfis humiliter Supplicauit et deuote, quatinus huiusmodi litteras per notarium publicum in formam publicam redigi et transsumi mandaret, quas hinc inde propter viarum discrimina seu pericula perducere non auderet. Idem vero dominus decanus et officialis, huiusmodi Supplicacionibus tamquam rationi congruis annuens, michi notario publico infra scripto precepit, quatinus huiusmodi litteras fideliter nil addendo maliciose uel minuendo Scribere et transumere curarem, Ad quos dictus dominus hinricus me diligenter requisit. Acta sunt hec luneborgh verdenfis dyoecesis, Anno, Indictione, mense, die, hora et pontificatu quibus Supra, Presentibus discretis viris dominis Nycolao beren, Jacobo brukeman, perpetuis vicariis in luneborgh, et Johanne witten, opidano in luneborgh, Testibus ad premiffa vocatis Specialiter et Rogatis.

Et ego Borchardus witkop, Clericus verdenfis dyoecesis, publicus Imperiali Auctoritate notarius etc. — — —

Aus dem Copiarium des heil. Geist-Klosters zu Satzwehel fol. 41.

CXXXVIII. Der Hauptmann Leutold von Krumsdorf stiftet ein Bündniß der Utmärktischen Städte für die öffentliche Sicherheit, am 6. Mai 1386.

Vor alle den Jennen, de dessen bref seen, horen odir lezen, wy Radman der stede In der alden marke, Stendal, Beyde soltwedel, olde vnde nye, gardelege, zehufen, tanger-